

錄五

貞節錄

旌節之典近歲寔廣案牘所陳十倍故乘核其實
往往相同種複殫述徒形覲縷於大節不增重也爰
採其稍異者畧具傳程餘以年次類從里居家世可
稽者仍備著之貞女烈婦得以奇節特予褒揚誼必
獨詳淑媛則旌例不及矣故如馮昭儀之炳於史冊
者亦別見他篇此弗徵焉述貞節錄第二十一

朱氏史廣妻年二十七守節子甫二歲撫之成立成化
六年旌

宋氏李芳妻守節歷三十年子二長祿次昭夫亡時祿五歲昭二歲也成化六年旌

張氏生員馬負書妻年二十而孀子鏗生甫踰晬矢志撫之嘉靖中青年寇變父罹於難氏哀痛哭至喪明鏗晨昏禱天目忽能覩年八十卒鏗後官教授以孝聞母子並爲撫按匾旌

王氏秦鍾妻年二十四守節歷三十餘年卒隆慶中知縣李表其廬子邦寵

賈氏趙志道妻以苦節稱隆慶末爲當道所旌子貞元諸生

孫氏歲貢王民化妻守節歷五十年壽七十三子恭已

恩貢

以上並見舊志

案舊志所記節婦十七人不分

朝代府志斷自孫氏以前屬明蓋因民化貢於萬

歷間也今無從考覈姑仍之又檢志別有王民妻孫氏

當是一人傳鈔偶誤耳

郭氏三池里民曹汝桐妻年十七而孀子鵬遺腹生撫之成立鵬死復鞠其孤年七十二卒奉詔旌表次孫修己諸生

曹氏安善里生員郭應增妻十七歲守節當遭旌之

張氏青羊里民史戴德妻守節七十餘年

張氏雙烈者生員張隆母王氏及隆妻張氏崇禎五年

流寇之變城破被擄大罵不屈姑媳同時遇害

以上並見平壤

志

右明節婦九人烈婦二人已旌者三人

王氏監生武經文妻年二十二而孀矢志守節事親撫孤康熙五十八年建坊旌表子可元援例授千總職
史氏魏村里士人王發馨妻安貧守志苦節歷三十五年

梁氏生員曹錦妻年二十守節事姑以孝聞

王氏石梁里民申崇德妻年十八而孀遺腹生子萬美
守節五十二年卒

王氏閩必中妻以苦節稱子存仁府學諸生

武氏監生侯晉錫妻年二十一遭夫喪撫三歲孤琬持門戶璿亦遊太學

王氏廩生王建功妻建功卒家貧子幼鍼紉度日母家故士族時周之然非大困不輕受也里黨皆欽其操段氏潞河村民申璜妻璜歿撫遺腹子既授室而天復撫其孫曰永曰晷守節歷四十餘年

劉氏神泉里武生秦路妻年二十二守節子述湯前室所生教養兼至

以上並舊志

李氏石崑玉妻年二十一守節子鼎新鼎臣甫成立相繼歿鼎臣妻王氏時年二十亦矢志撫其孤鳳騰教之

遊庠平順令林以姑媳媿美獎之

張氏生員石鼎象妻守節歷五十四年子鳳起諸生

耿氏侯璧里廩生王象辰妻守節五十四年卒子自新
維新並諸生

申氏廣禪里增生王任生妻守節五十三年卒子爾推
諸生食餼

馬氏安興里民王親臣妻年二十三而孀食貧守志歷
遭家變始終不渝年七十卒子禹諸生

趙氏新興里生員秦殿掄妻年十九守節子承周生未
卒茹荼鞠育後隸學官籍繼其家聲

任氏安興里生員常天眷妻守節歷六十四年

閻氏遷善里民王加節妻夫亡年二十家窶甚至噉榆皮草實以度日子克明旣長拮据爲授室甫生子而天復鞠其孤苦節踰五十年

柳氏航車里民申繼儒妻苦節歷四十年饑寒交迫志不少挫以上平順志

右順治康熙中節婦

十九人已旌者一人

案舊志有賢婦

王紉妻崔氏已詳其父崔近庚傳又廩生王允中妻年三十餘守節茲附見

常氏雙節者微子鎮民常恒妻張氏及弟常淵妻曹氏也恒早逝張青年矢志姑以哭子失明質簪珥醫治之

目復明咸稱孝感曹氏歸淵甫四年而孀與嫂形影相依白髮完貞皆無子撫姪爲嗣曰世憲府學生曰世澤食餼縣學乾隆中並旌如例建坊村北

陳氏石梁里監生石詒奮妻守節四十七年卒乾隆末

旌

以上縣學冊

李氏縣民秦簡妾簡歿遺腹生子光前與嫡郭氏貞操共持屢經家變誓死不貳光前入庠後與嫡母先後病亡生計愈窘至不能舉火氏躬紡績以育二孫成立

秦氏吳文瀄妻夫亡撫周睟孤矢節教之遊庠食餼

米氏廩生關二南妻年二十一守節子維藩生甫數月

撫育備至後以諸生貢太學

申氏縣民高天錫妻早孀有謀奪其志者截髮自誓事姑慈幼甚有儀則當道以閭內完人榜其廬

魏氏縣民李昇妻夫故遺二子舅姑衰老老家止瘠田五畝氏績紡度日仰事俯育惟資十指子鑑堂課之甚嚴弱冠卽入庠食餼里黨咸頌其貞淑

廉氏縣民王卿繼妻卿家貧結褵後卽外出謀食燕趙間氏奉其母八年以孝稱卿歸後感疾瀕危以老母託且曰母天年終任爾所適也抵時孕六月矣聞之以頭觸壁曰君視妾豈靦顏棄親者乎他日生男當庭血嗣

否則卽以死報汝矣踰年子增癰生仰事俯育拮据以
供姑歿無力舉喪爲人傭繡稱貸以濟

張氏縣民常如斌妻守節歷四十八年子峻諸生署知
府姚嘗匾獎之以上並府志

申氏縣民米秦妻父楷以耆德稱氏年十九而孀遺腹
生子思孝兄公迫嫁之不可奉姑別居饗飧不給時資
母家以濟乾隆中當事嘗匾獎其門年及九十乃卒

鄧氏縣民關守妻夫亡無子育族子瑞兆爲嗣守節四
十餘年卒孫注冲並恩貢生並縣冊

張氏平順王帝禪妻守節四十七年卒雍正八年旌表

張氏史戴德妻守節七十餘年建坊旌表

郭氏平順生員牛保中妻保中患水蠱臥牀三年氏

湯藥無少懈及寡事孀姑撫前室子並有儀則乾隆二

十五年旌如例

以上並府志平順縣

牛氏北社鎮民牛宿財妻歸宿財生子可金而孀氏鞠

之長爲娶媳秦氏旋病歿秦感姑節義矢志不二門內

肅然乾隆五十八年並旌如例建雙節坊

鄉學冊

牛氏王道秀妻家貧績紡度日夫亡撫其三孤景賢欽

賢聚賢並成立平順令嘗匾獎焉

舒氏王榕妻申氏其子孕生妻也胥早寡苦志完貞時

十有五孫曾統膝王氏一門事無纖巨必取決焉此又古張陸之家風惟節母善心淑慎實牖成之丙申冬里人以孝行公請旌表得旨俞允於是才人墨客各奏篇雅敷揚懿美聚魁與窩藻兄子世齡同年友也請得一言并之卷首乃纂次梗概以詔世之讀斯集者

史氏縣民尙介妻年二十三而寡子永昌生未三月姑老目復瞽叔素無行逼令改適氏度不能抗乃析產取薄田數畝績紡自給已而姑歿叔盡蕩其產旋歿遺一女氏育之長不以舊嫌介意也守節五十三年卒道光中旌

程氏州同申克興繼妻道光二十年旌嗣子列垣官知事

匾表其門

烈婦任氏平順民劉攀桂妻攀桂邁危疾婦泣謂鄰嫗曰脫有不幸吾年少無子奚以生爲攀桂歿含斂甫畢

還投崖以殉

並府志

右雍正乾隆中節婦二十六人烈婦二人已旌者八

案府志有縣民高雲美妻李氏及子貢生高奇顯妻李氏均好善樂施乾隆壬申己卯屢出粟賑饑又貢生高奇彰妻牛氏身病痿嘗力疾以事翁姑時稱孝婦並附見

陳氏安昌鎮民宋萬全妻故士家女知書數旣寡子錦耀尙幼親課之讀家事悉自經理井井如也嘉慶中旌張氏縣民劉正統妻守節五十二年有子四

張氏縣學生郭維文妻守節五十三年卒子魁元並縣學採訪

曹氏山后村民曹從舜妻嘉慶九年以節旌子永遠

馮氏贈奉政大夫郭承業妻承業卒其孤亦殤乃抱姪視遠爲夫嗣而親課焉後補鄉學生嘉慶中以弟承恩官贈封宜人並鄉學採訪

右嘉慶中節婦五人已旌者二人

陳氏贈修職佐郎侯五常妻道光元年旌建坊入祠子萬里廩貢以訓導注選

郭氏增生申事天妻守節歷五十七年道光甲申年齊

八十有二旌如例卽於本村建坊嗣子悌義選貢

王氏縣民崔應魁妻守節四十六年道光八年旌子五
常

申氏縣民申牛則妻結褵三歲而孀遺腹生子土長時
姑已逝氏矢志與衰翁共撫子遺道光甲午有司爲之
請旌氏時年六旬孫曾林立矣

李氏王炳妻守節歷四十年旌如例子聚魁舉人

壽陽祁騫

藻王節母詩序戊子孝廉王君聚魁之母李太孺人同

邑學泌先生女也生聚魁甫周晬而寡時翁姑年皆七

十親老子弱節母以女子而肩健男子之任卒能安親

教子俯仰無憾雖古唐山夫人桓少君之倫何以加此

乎尤難者聚魁有伯父生子八歲失恃節母哀其無母

母之所以教育之者一視聚魁卒亦成立節母今年六

十有五孫曾繞膝王氏一門事無纖巨必取決焉此又古張陸之家風惟節母善心淑慎實屬成之而申冬里人以孝行公請旌表得旨俞允於是才人墨客各奏篇雅敷揚懿美聚魁與舊藻兄子世齡同年友也請得一言并之卷首乃纂次梗概以詔世之讀斯集者

史氏縣民尙介妻年二十三而寡子永昌生未三月姑老目復瞽叔素無行逼令改適氏度不能抗乃析產取薄田數畝績紡自給已而姑歿叔盡蕩其產旋歿遺一女氏育之長不以舊嫌介意也守節五十三年卒道光中旌

程氏州同申克興繼妻道光二十年旌嗣子列垣官知事

常氏申兆鳳妻道光二十八年旌子安仁

王氏申兆熊妻與常氏同時旌嗣子毓崧興縣訓導

張氏馬莊村民李秉忠妻守節四十餘年旌

馮氏石工劉士亨母也佚其夫名早孀家赤貧爲人傭
爨暇則賣履自給士亨稍長爲擇業娶媳生孫事母以
孝聞當事匾獎之

李氏常向雲妻祖姑張氏曹氏先後以雙節旌者也氏
守志歷四十七年嗣子作禎

申氏佚其夫名增生田見龍母也苦節四十餘年親黨
咸推其母儀當道匾獎之